



Broj: 150-16-35-377- 2 /24 MM  
Sarajevo, 2202 2024. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“, 39/14 i 59/22), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28.12.2015. godine, broj: UV-122-01-1-1045-11/21 od 28.04.2021. godine, broj: UV-104-01-1-1425-15/21 od 29.06.2021. godine i broj: UV-122-01-1-2029-11/22 od 28. novembra 2022. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: broj: UV-122-02-1-829-12/23 od 30.03.2023. godine, guvernerka Centralne banke Bosne i Hercegovine, donosi

## **ODLUKU**

### **o izboru najpovoljnijeg ponuđača u postupku javne nabavke usluge – avio karte**

#### **Član 1.**

Centralna banka Bosne i Hercegovine (u daljnjem tekstu: Centralna banka), ugovor za nabavku usluge – avio karte, dodjeljuje ponuđaču CENTROTRANS d.d. Sarajevo, na period od jedne godine, u svemu prema Ponudi broj: 1/570/24 od 02.02.2024. godine.

#### **Član 2.**

(1) Ponuda ponuđača, za ukupnu uslugu posredovanja u prodaji avio karata (provizija), nakon održane e-aukcije, glasi na iznos:

2,10 KM bez uračunatog PDV-a  
(slovima: dvije konvertibilne marke i 10/100)

odnosno

2,46 KM sa uračunatim PDV-om  
(slovima: dvije konvertibilne marke i 46/100).

(2) Iznos iz stava (1) ovog člana odnosi se na uslugu posredovanja u prodaji avio karata (provizija), a ukupna vrijednost okvirnog sporazuma za period od jedne godine može iznositi maksimalno 99.800,00 KM bez uračunatog PDV-a.

#### **Član 3.**

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum, za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine (u daljem tekstu: Odjeljenje za zajedničke poslove).



#### Član 4.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za zajedničke poslove i Odjeljenje za računovodstvo i finansije Centralnog ureda Centralne banke Bosne i Hercegovine.

#### Član 5.

Ova Odluka će se objaviti na web stranici Centralne banke [www.cbbh.ba](http://www.cbbh.ba) istovremeno s upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

#### O b r a z l o ž e n j e

Postupak javne nabavke usluge - avio karte, putem otvorenog postupka, pokrenut je Odlukom, broj: 150-16-35-2107-2/23 MM od 29.12.2023. godine.

U skladu s tim, Centralna banka je 25.01.2024. godine na portalu Javnih nabavki objavila Obavještenje o nabavci broj: 1370-1-2-147-3-115/24.

U predviđenom roku za dostavljanje ponuda do 14.02.2024. godine do 10:00, blagovremeno su dostavljene tri ponude slijedećih ponuđača:

- VENTURA TRAVEL AGENCY d.o.o. Travnik,
- V.I.P. TRAVELS d.o.o. Sarajevo,
- CENTROTRANS d.d. Sarajevo.

Komisija nadležna za provođenje postupka javne nabavke (u daljem tekstu: Komisija) je izvršila pregled i ocjenu pristiglih ponuda.

Komisija je utvrdila da je ponuda ponuđača VENTURA TRAVEL AGENCY d.o.o. nepravilna i neprihvatljiva iz sljedećih razloga:

- Ponuđač je u ponudi dostavio 5 potvrda izdatih od strane različitih izdavaoca u cilju dokazivanja tehničke i profesionalne sposobnosti, ali nijedna od dostavljenih potvrda nije ovjerena od strane nadležnog organa kako je traženo tenderskom dokumentacijom. Naime, tenderskom dokumentacijom *Odjeljak D - PODACI O PONUDI*, u dijelu ***Ponuda mora sadržavati*** je navedeno sljedeće: „*e) Dokumentacija kojom ponuđač dokazuje tehničku i profesionalnu sposobnost – original ili ovjerena kopija – u skladu sa članom 48. i 50. Zakona o javnim nabavkama*“
- Nadalje u nacrtu okvirnog sporazuma – Aneks 6 u članu 1. stav (1) ponuđač nije naveo broj i datum ponude kako je traženo tenderskom dokumentacijom. Naime, tenderskom dokumentacijom *Odjeljak D - PODACI O PONUDI*, je navedeno sljedeće:  
**„12. Nacrt okvirnog sporazuma**  
*Sastavni dio ove tenderske dokumentacije je Nacrt okvirnog sporazuma, u koji su uneseni osnovni elementi. Ponuđači su dužni uz ponudu dostaviti **popunjen, ovjeren i potpisan nacrt okvirnog sporazuma** na mjestu predviđenom za potpis istog.“*
- Ponuđač nije dostavio Izjavu da će prije zaključenja okvirnog sporazuma dostaviti dokumente tražene Odjeljkom C - tačka 4.3. tenderske dokumentacije. Naime, tenderskom dokumentacijom *Odjeljak D - PODACI O PONUDI*, u dijelu ***Ponuda mora sadržavati*** je

navedeno sljedeće: „k) Izjava ponuđača da će prije zaključenja okvirnog sporazuma dostaviti dokumente tražene Odjeljkom C - tačka 4.3. tenderske dokumentacije. Ukoliko ponuđač traženo dostavlja u ponudi, oslobađa se obaveze dostavljanja ove izjave i naknadne dostave dokaza.“

Komisija je, nakon izvršenog pregleda i ocjene ponude svih dostavljenih ponuda, konstatovala da ponude ponuđača CENTROTRANS d.d. i V.I.P. TRAVELS d.o.o. ispunjavaju sve uslove definisane tenderskom dokumentacijom.

Sa navedena dva ponuđača je zakazana e-aukcija za dan 16.02.2024. godine. Po završetku e-aukcije prvorangirana je ponuda ponuđača CENTROTRANS d.d. Sarajevo.

Komisija je Zapisnikom o pregledu i ocjeni ponuda, broj: 149-16-35-528-7/24 i Izvještajem o radu sa preporukom, broj: 149-16-35-528-8/24, oba od 19.02.2024. godine dala preporuku kao u dispozitivu ove odluke.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

#### **Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guvernerki,
- viceguvernerima
- predsjedniku i članovima komisije
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za zajedničke poslove
- Ponuđačima (original)
- u spis predmeta (original)
- arhiva



**GUVERNERKA**

*dr. Jasmina Selimović*  
**dr. Jasmina Selimović**